

四庫全書

集部

欽定四庫全書

文苑英華卷九百五十二 宋 李昉等 編

職官十四

戴容州叔倫墓誌一首 崔饒州適墓誌一首

陸歙州叅墓誌一首 李郴州伯康墓誌一首

崔房州述墓誌一首

朝散大夫容州刺史戴公墓誌銘

權德輿

維貞元五年夏四月容州刺史經畧使侍御史譙縣男
戴公至部之三月以疾受代回車既駕六月甲申次于
清遠峽而薨春秋五十八明年正月庚申返葬於金壇
玉京原之舊封宜叙世德以識幽穸云公諱叔倫字幼
公本譙國人其先在宋為公族於漢為儒宗東漢則司
徒涉西晉則有司農逮集作達_{非下同}逮後南渡始居丹徒八

葉至宋臨湘侯明寶明寶曾孫梁左丞嵩嵩玄孫皇德
州司士好問公之曾王父也王父脩集作循譽父脊用皆

自縻天爵不顧翹車傳次君之禮文盡通奧旨師安道
之晦德尤惡知名故世風純慶及公而發公早以詞藝
振嘉聞中以材術商功利終以理行敷教化帥集作率履

素王之訓周旋君子之儒淑聲休問苾芬四暢初搢衣
於蘭陵蕭茂挺以文學政事見稱蕭門文本菁華而長
於比興粲為集作馬采章集作馬鏘如珩璫集作璜是敲鐘于宮
累辟大府分命於計相也則為湖南河南留後自祕書
正字三遷至監察御史曳裾於賢王也則為湖南江西

上介由大理司直轉至尚書祠部郎中其阜人成化也
則東陽一同之人沐旬歲之治撫人飲集作三年之惠

飲

集作

容人被踰月之教夔人聞詔而歡承訃而哀不及蒙其

澤歷官十一而雲安不書所至之邦必刻金石始在轉

運府也量則

集作董賦

於南荆會蜀將楊琳擁徒阻命詔書

告諭初革至

集作無革

志宵引銳卒刲脅使臣曰歸我金幣

可以紓死公山立不撓勇生於仁端其詞氣強於師旅

暴叛知感乞盟於公黎明率其徒西嚮拜泣指京師臣

列狀

六字集作指期
詣闕家臣列狀

天子召對而推功於府不伐其勞

時談翕然勇讓具舉其在臨川也清明仁恕多省費方

畧蜀郡崇儒之化南陽均水之法精力區處民以便安

田壤耕闢獄犴清淨居一年璽書褒異就加金紫未幾

而有容州之拜且都督

集作智字

府所治列城十三訓戎撫

俗之任招徠式遏之寄非通方明畧無以威懷蓋皇慈
所軫先於柔遠方將布愷悌於夷落致風俗於休嘉議
者以九伯二南可跂而至天則不弔末如之何君直清

篤厚博物通理有大學之明誠大雅之疏達靜如淵泉
動如鑽干不緇不磷與令問終始起布衣儒服位視方
隅歸全之日纔具祭器去國見麾幢之盛返葬備祫精
之儀列松櫓於舊封展牲牢於新薦哀榮之禮鄉黨稱
焉初公娶京兆韋氏永州長史米之女繼室以博陵崔
氏殿中侍御史殷之女皆淑明柔嘉不幸早世肩子曰
郢曰邠年甫及翫哀如成人公仲兄新城長伯倫以予
夙承公歡且有遺託既不獲讓是用直書銘曰

信都九江文禮章章百代彌光司徒佐漢司農匡晉乃
熾而昌世無違德時有通塞或行或藏克生容州貴為
諸侯其道直方政成中和播為頌歌化被二邦列爵疏
土燥爛龜組鸞聲鏘鏘宜享繁祉以媚天子今也則亡
還葬故里遷集作
僊山之趾德音不忘

朝散大夫使持節饒州諸軍事守饒州刺史上
柱國崔君墓誌銘

前人

博陵崔氏為東山右族以政事方直稱者曰饒州刺史

諱適字某貞元十四年某月甲子寢疾終于所部之廡舍春秋若干君仁厚信實方嚴清厲詞無枝葉而顧言必踐交不諂瀆而與人必誠深於士行精於吏職蓋其天性然也一命為懷州叅軍累遷至大理評事司直監察御史好畤武功二縣令常絳二州司馬乃理富平遂佐興元貞元十一年春以西諸侯之師轉粟調食特拜倉部郎中兼御史中丞以董其事其年冬徵拜衛尉少卿明年改鄧州刺史麾蓋將行文換鄱陽歷官十五竟

未克量其為御史也賈常侍至以才名尹轂下實所慰
薦為之賓介蔣常侍況以公廉幹河運交辟將事弘助
居多其宰封畿也縣鄙之地直于西郊禁衛之師勤于
左次事為之節官修其方軍與人安閭境謠誦其佐晉
陵也晉國韓公當撫封之重署為推官軺傳所至平反
審克假守新定之人宜之薄於進取未數月引去其領
陵邑也克奉肅敬里閭均安集作定黠吏强家望風累息
相率屏匿者十八九其分憂為邦約已惠人樂易而知

禁清明而不擾此皆歷職必聞之效也至若章章尤著
為士君子之所景行者則奉使西土鄙能言之縣官以
乘塞宿兵旌旄相望饋餼之重非君莫可就既作而經

費出納制於中臺尅伐之人順非吉利大率以布帛之
不中於度不鬻於市者積以羸濫備其名物移用於軍
增三倍之價平糴於人無一時之蓄掠是根本命為竒
羸既衰邊備實蔽理道時有覆視誨其相蒙徒列簿書
之文不登釜鍾之量因緣繆巧集作功非觸類而起君受命

不苟臨事風生條其積弊盡達聰耳

集作聽

雖狺狺之吠

營營之飛置於度外不直不已連章上憇詞旨深切羣

情惄駭處之恬然謝病乞告終無所屈皇明嘉納入亞

九卿時縉紳之士多以憑暴為戒怵迫附離而不能自

固者多矣如君之特立剛毅不更其守古之儒行何以

加之

集作嘉焉

此德輿所以受其孤之哀請而不敢辭也君

之曾祖玄基皇朝散大夫會州長史祖紹先皇揚州揚

子縣尉父是皇大理司直兼河南府河陰縣令代名土

行裕是遺烈初君娶于某氏某官某之女生子曰包而
歿繼室以某氏某官某之女皆有淑行如君之志以十
四年某月日叶用吉卜附窆於河中某縣鄉原之舊封
禮也初包以德輿樸而好直且嘗奉行君之命書者四
乃列其官簿次第俾識於墓石既而包毀瘠滅性夭於
倚廬之中諾其請矣故銘之曰

崔君之直兮不枉尺兮崔君之正兮不由徑兮展如之
人宜錫蕃祉兮天實奈何一麾遄已兮襜襜惟裳來自

都之陽兮峩峩丘封葬於河之東兮刻此貞珉識清風
兮

使持節歙州諸軍事守歙州刺史賜緋魚袋陸

君墓誌銘

前人

君諱叅字公佐吳郡人曾祖某官考某官君蚤孤
與兄隱居於越有佳山水率子弟耕汲於其中因集作日
修桑門之法擯落人事貞元初兄既歿始為宗姻士友
所強慨然有應知己之心繇試佐環衛歷大理評事攝

監察御史裏行佐黔中又以殿中侍御史內供奉佐浙
東凡四居憲賦介二方伯皆有直聲休利邦人宜之十
二年所從既罷繼之者再至率以重禮禮君終不能屈
非所樂而不苟合故也朝廷宗公賢大夫多悅其風十
六年徵拜祠部員外郎居二年執事者上言其才請為
劇曹會東方守臣表二千石之缺天子方加恩元元循
責吏理面命執事曰誠如是姑使為郡須其報政靡以
集作好爵遂拜歙州刺史在途發瘍夏四月二十日

三字

集作

卒於洛師享年五十五夫人河東柳氏殿中侍御

景字

史并之息女才淑有賢行長子某年在羈貫嗣子某未

離褓抱夫人既得吉卜具

集作且

以孤藐之詞請表墓於

父友故鄙夫泣書於寢門之外而不讓云君峻而通直

而和羣而不黨至於流俗之齷齪細人之姑息屑屑汲

汲之態不萌於胷中器度夷遠英華發外居常無休迫

臨事有風節同心定交造次以之評議鑒裁精明不惑

從善親仁發於肺肝文章弘朗有作者風格學不為人

與古為徒嚮使登其年充其量束帶公朝其骨鯁魁壘
之士與嘗與故虔州刺史隴西李公受故右補闕安定
梁寬中今禮部郎中京兆韋德符右補闕廣平劉茂弘
秘書郎趙郡李叔翰方外士右諭德博陵崔公穎暨予
友善歛夫相視莫逆行二十年洪範之攸好德儒行之
遠相致今則已矣可勝慟耶時貞元十八年集作歲直

鶴首秋七月甲子鏤堅石而銘曰

皦皦陸生中和粹清直如朱絅潔如白珩或默或語不

將不迎如何斯人晦忽冥冥蚩蚩下輩戩穀或丁暉暉芳蘭嚴霜飄

集作風

零命不可問死不可作

集作不作今

嗚呼

陸生

使持節柳州諸軍事權知柳州刺史賜緋魚袋

李公墓誌銘

前人

君諱伯康字士豐隴西成紀人自涼武昭王玄孫文穆公冲為元魏僕射司空與兄穆侯恭侯惠侯莊公中秉樞揆外顧方國文穆公二子長曰廷實次曰休慕論道

追命皆至司徒蟬聰茂盛冠於百族君即叔氏司徒之後也曾祖仲進皇宣州司馬祖僑河南府澠池縣父惜皇朝議大夫宗正丞贈濮州刺史三葉用晦仕不過郡佐縣令夫典司宗籍而天爵崇茂士林嚮仰君以才實克家清方入官始為知已者所薦授閬州司倉掾轉下却福昌奉先三縣尉皆有能名建中三年調補御史臺主簿成奉未下以太夫人寢疾歸侍藥膳明年丁內難艱集作衣裳外除迫嚴君子之命復調為長安尉時

王師清宮鑾輶初復武人干吏理轂下為多事邑之細
大必決於君每歲考績為府中最貞元五年再集荼蓼
終喪猶毀不交人事屏居池陽以耕植自業九年春西
鄙不靖詔城五原以備邊鄜坊節將選重賢佐以厚禮
辟君實董塞門之役不愆於素抑有勞焉拜監察御史
轉殿中丞賜以章綏尋遷侍御史加檢校工部員外郎
九十四年徙官為鄜上介代謀而鄜之師以律折獄而
鄜之人不寃十八年從守臣來朝行次中部所從復於

左轂護其輶旋以至京師彥具會事稱情中禮十九年

秋七月拜柳州刺史精力忠養蠲除煩苦導利省嗇而

人不擾庶平信厚而吏知方今相國左丞鄭君頃移佐

茲郡知君也熟洎入總綱轄盛推理行再筦宰政方圖

陟明斯言未復奄忽彫落時永貞元年十月某日甲子

春秋六十三悲夫君天資器幹機用強敏夷易疏通不

移名聲學尚周給

集作
洽

而緣情甚

集作
其

麗業履端脩而

睦姻尤甚時人多知君吏理過於文行唯故相太傅盧

恭公今相國左丞鄭君泉鄙人實知之而棲遲下國迫
阨委化斯可歎已夫人范陽盧氏宣城縣令炅之女華
緒令儀執笄佐餽先於君歿二十年矣嗣子盧氏縣尉
操次子前明經掖支子某等皆以孝謹而承訓義居集作
襄君令弟長安主簿少安請急喪事崩波勤遠自荆
抵洛泣奉轎車以元和元年某甲子葬于某縣某原之
舊封君子曰於長安之兄之喪有以見同氣之痛德輿
以中外伯仲周知所履刻石紀事樸而不誣銘曰

柳之政兮理平君之行兮廉清矧有深知兮秉國之成
亟言於朝兮將陟其明窓然符守兮奄忽冥冥胥臆約
結兮未據平生道途自遠兮廣柳芻靈風雨所交兮卜
洛佳城元龜是貞厚載是寧吁嗟乎內兄

房州刺史崔公墓誌銘

前人

公諱述字元明博陵安平人自東漢長岑長濟北相代
擅雕龍之美濟北五代至晉大司農弘司農八代至北
齊右僕射昂僕射三代至公曾祖皇朝散大夫冀州武

邑縣令諱紹大父同州白水縣尉諱頊烈考晉州汾西
縣令贈定州刺史諱昇之代有文行懿德為北州冠族
公夷雅溫粹安舒廉靜於座右銘得含元之妙於政論
得理道之奧以之修身以之蒞官蓋家法積厚而公能
踐之之故也始自宮衛試守未弱冠而為藍田尉已有
嘉聞尋轉婺州浦陽令揚州兵曹叅軍皆以吏理著稱
故辟書交委命書隨之歷監察御史再為侍御史五字集作
殿中侍御史
再為侍御史實佐壽潭洪三邦車賦之重拊循輯睦緊

上介是賴府遷于荆薦言于朝拜著作郎虞部員外郎論著奏議率循憲矩不毀方以求合不游徑以取捷貞元十二年出為房州刺史承長帥剛嚴之理當輿師饋餉之殷暴征繼起煩言狎至而能推情廣身以裕勞人惻隱所被四封嘉靖十七年秋九月辛酉感疾捐館舍春秋五十七夫人京兆韋氏承公宮之訓為女士之表凡合姓二紀柔而正勸以義之道備焉其孤文伯武伯等學通禮籍姿性循至斬焉相視泣奉裳惟以冬十一

月甲子祔葬于東都某原禮也初公仲兄左庶子安平

公有重名於時安平所與游者公皆從而游焉故常與

賢士大夫推

集作
推

古今世道博約論辯據之於詞凡數

千言因曰勝質之文吾所甚懼彼奔

集作
奔

塞路者既

不可遏又惡用斐然為之耶遂輒削去其用晦如此行

義醇備慈仁任恤安平既即世伯兄繼歿猶子之解巾

結縗先於己子故不舉火之日男未仕女未行其於疾

則十起衣無常主雖伯魚稚春不能如

集作
嘗

焉羣從族

姻均祿直以賙其乏不結黨友不趨聲利常

集作加

欲脩

性息跡考一丘之樂而未克齒與位皆負其實奄然不

淑為知者所歎建中初德輿遇公于九江之西其後辱

安平戴公

集作侯是

之知於公獲南容之眷刻石志美不敢

曼辭而實錄焉銘曰

齊稱大風漢有文宗雋賢歲艱以續昭融坦坦房陵勞
謙孝恭優游祿仕惟道之從素履不華黃裳在中乃儀
列星乃飾伏熊居易處厚有初有終魂氣杳冥諸孤哀

洞圓著大幕先遠攸同刻茲貞珉永賁丘封

文苑英華卷九百五十二

欽定四庫全書

文苑英華卷九百五十三 宋 李昉等 編

職官十五

陳汝州利貞墓誌一首 鄭舒州甫墓誌一首

崔永州敏墓誌一首 鄧貴州墓誌一首

凌和州準墓誌一首 柳柳州宗元墓誌一首

汝州刺史陳公墓誌銘 穆貞

唐貞元五年秋七月汝州防禦使汝州刺史兼御史大

夫東都畿汝州都防禦左軍兵馬靜戎郡王陳公疽發
首已酉命牙門將鮮于侍進奉書告辭元戎尚書安平
公以受恩忘死非其死為恨又命嘗同百戰之將王進
達等十數人以忠盡王事為別又命嗣子少英以孝敬
繼夫人為誠庚戌歸于私第辛亥薨八月孤少英與家
老故吏及龜筮謀得宅兆于州東石樓山之陽辛酉葬
公諱利貞范陽人祿山之亂始自平盧越海歸國累建
戎効從太尉臨淮王光弼軍于河南寇攻睢陽垂陷大

尉常遣心腹爪牙之師郝廷玉合諸侯之衆趨之公輒
以輕騎赴如林之旅入其腹出其背如飈如星庭玉竒
公之才謂已不逮拔於行間以其子妻之繩于臨淮列
為重將其後庭玉入備宿衛出鎮河隴公實從之凡十
遷大將軍太常卿太子賓客特進開府靜戎郡王至御
史中丞隴右都知兵馬使其所置者皆如釋宋之事希
烈之亂詔以哥舒曜為汝洛節制俾公之前隊佐之事
疑作軍 次汝墳不終日城拔又以次襄鄭寇軍大至公以

馬步五百當強寇萬人立為奇兵橫擊其右亮黨退却一作
衄

數月不前襄下城守拒有備由此効也希烈自統

二字一作室
又作自會

豺狼之衆至而圍合矢石雨下晝夜不息

外築壘道與城相屬公登陴捍敵身均士卒勞則先之

逸則後之凡不櫛不沐非以我事當見戎帥不下城者

七十餘日戎帥蒼黃自拔亂不能遏叛將庭芝謀害之

者數四陰為之制使不得發俄而朱泚以關中僭逆凡

幽薊河隴之卒嘗隸於泚千里之外應之公與庭芝所

統皆泚之舊也庭芝果以其衆作亂公之麾下亦帶甲而從之中宵難作公仗劍當轅門而立呼曰如有過此門者當殺我而後過由是其衆定而庭芝逸故有專城之拜其為州也奉上以不違撫下以不擾是以廉使盡其政疲人安其理春秋五十有八前後歷官二十二封爵四從戎許國垂四十年不湏臾忘忠敬之心不一日臨汙染之跡起敲鞞之下登諸侯亞相與茂勲寵祿相與終始可不謂之大丈夫之致乎安平公出涕之外餘

有復慟

疑作後
有餘慟

將吏等遑遑相弔往往如在前夫人早夭

後夫人隴西辛氏實大原節度相國金城王之女髽首

頰血以庀喪具長子少英幼子壬癸永懷陵谷見託為

銘其詞曰

蒼蒼平原欝欝高墳下有泉户永閑虎臣豈伊虎臣亦
曰賢守勒銘貞石示千古後

舒州刺史鄭公墓誌銘

前人

有唐循吏故舒州刺史榮陽鄭府君諱甫字某享年五

十有四歷官一十有二以貞元六年冬十月辛丑卒于東都崇讓里第十一月諸孤家老得請於元龜奉府君之喪歸祔于祖實鄭州滎澤縣廣武原庚寅下其先吏足徵也十代祖曄元魏建威將軍南陽公魏氏定五姓冠百族暨以官婚人物甲子時選厥後歷周隋洎皇朝凡六葉至於曾祖仁愷密毫二州刺史祖慈明銀青光祿大夫濠州刺史考令璡銀青光祿大夫國子祭酒重名貴仕照燭相續府君少以門資奉俎豆于太廟調習

書判趨等擢秘書省校書郎歷京兆府藍田尉大理評
事二宗山陵詔求多士以集大務攝京兆府戶曹叅軍
畢事改授大理司直遷監察御史實佐時宰充營田使
判官轉殿中侍御史罷授尚書祠部員外郎兼侍御史
充宣歙青苗稅戶使朝于京師拜和州刺史廉使今居
守公奏課第一錫命屢降凡兩加特階一賜金印紫綬
且以借留之典副之後遷舒州刺史而歷陽之積績作
累載之美布於下車之初乃至訟不煩於聽令不費於

言賦調事理吏勸人逸初祭酒府君殯於鎬惟王事世
故洎龜筮之不叶未遑還葬至是累疏陳乞優詔曰俞
解印遄歸遘癟于道哀哉夫人清河崔氏故中書令趙
國公圓之子也以地之貴天之淑致善乎府君之家不
幸早世殯于所次俟夫異日遷而合焉有子九人長男
曰適左衛率府倉曹叅軍次曰奉方志于學未訢有女
二曰閼長適范陽盧士深妻未笄者四其執喪致毀
長過於禮幼如成人兄子前鄉貢進士權導諸孤之請

見訪為誌嗚乎今方夏之內靡攻伐之患丞嘗所置在於富而教之府君之生蓋明主歎息之所求也其歿也豈獨舒人和人之相弔歟迹其二府已然之理可使太史公班孟堅之徒從而紀之以及於後今也遺愛故事結于人之深者止於輶眷墮淚日月至而逝焉然則銘之於墓亦其次也銘曰

生貴行道道貴及物苟有可稱其誰不沒猗歟府君政及生人自我煦育二邦如春不知者命溢至孔亟託體

山河與之終極

朝散大夫永州刺史崔公墓誌銘

柳宗元

維元和五年九月十五日壬子永州刺史崔公薨于位
享年六十八己未殯于路寢庚寅遷神于舟以某年某
月日歸葬于某縣某原祔于祖考吏部侍郎贈戶部尚
書府君之墓尚書諱猗玄宗南巡內禪聖嗣府君以謀
畫定命起一旅以復天下厥功載焉尚書之先曰貴鄉

丞贈太常少卿府君諱子美太常之先曰揚州江陽

集作

都丞府君諱道禎行高位卑華冠士族公諱敏字某承

世德之清源浚之以蠲潔以端其志采羣言之枝葉植

之以茂實以脩集作循其能始由右千牛備身佐環衛更

盞厔三原藍田尉仍有大故三從集作徙同位繼受許州

臨潁汝州龍興令推以直道二邑齊風哥舒曜尹河南

縣集作鯨寇猾驚黎人播越表公為河南尉糗糧芻茭戎

備畢給版圖田洫民事時又遷揚州錄事叅軍實吳越

楚集作

之大都會也政令煩拏貢奉叢沓一日不葺鐫誰

四至公為之優游有裕長史司徒杜公與之揖讓夷集作

興於賓僚入為太子司議郎拜歸州刺史嵒險湍悍人

類鳥獸古號難理公克有聲遷永州刺史朝散大夫惟

是南楚風浮俗鬼戶為胥徒家有禳梗大者虐鰥孤以

盜邦賦歐愚蒙以神訛言恃于政經莫有禁禦公於是
脩整部吏黜侵凌牟漁者數百人以付信于下而征貢

用集擒戮妖師毀居蒿淫昏者千餘室以舉正羣枉而

田間克和寬以容物直以率下邦人方安其理縉紳猶
欝其望體魄遽降哀何有窮嗚呼公前夫人徐州叅軍
榮陽鄭鉅女有子曰義和早夭後夫人萬年尉范陽盧
彤女嘉淑之德繼聞宗族有子曰貽哲貽儉克承于家
洎公之兄子曰勵曰禮誠願誌于墓無忘公之德銘曰
孰為德門清河濱源垂芳著慶集作遠哉法又作其流法自葉流
根世有顯懿揚其清芬炳煥集作炳煥增華昭于後昆惟飭
與鯉舊史孰是集作尊孰為茂功尚書清風藹其有融勃

焉而興披草從龍布令諸夏敷和六戎赫矣太陽克昇于中孰為惠政公嗣餘慶形于謠詠小程其功大遂其

性點吏是省妖風以正于邦于家

集作于邑于邦
又作施于邑邦

克揚

休命孰為遺愛公去昭代邦人斯瘼始焉是賴今也何

載

集作戴

孰葬我公于洛之會何以銘之徽音不昧

試大理司直兼貴州刺史鄧君墓誌銘

前人

君諱某字某南陽人漢司徒禹之世也曾祖倚皇建州

浦城

集作連州
普城非

令祖少立皇滄州司馬考邕皇右

集作左

武衛兵曹叅軍惟君敏給以御下廉忠以承上幹蠱之

稱洽於諸侯謹言之跡彰于所蒞故自始仕以至沒世

未嘗無聞焉初以試太常寺奉禮郎更職於劖南湖南

江西前後連帥咸器其能以柄於事於劖南則停擬閑

實以循

蜀本作脩

官刑盡哀敬之情致淑問之頌寬猛之適

克合於中於湖南則外按屬城內專平準蒞升

音礦

人錫

石之地叅冕氏鉛鑄之功溢山告祥國用益瞻吏無並

緣以巧法人無怨讐以苦役人

集作凡

處斯職莫能加焉

於江西則旁輯傳置下繩支郡俾無有異政以一於詔

條財賦之重待君而理無何邕州經畧使路公恕奏署

試大理評事兼貴州刺史叅帷幕之任董龜虎之威夷

俗敬愛革面受事朝廷將以武定南服命安南大校御

史中丞趙良金為邕州復以君兼招討判官錄其異能

奏加司直昇招討副使兼統橫蠻

疑作蠻集作廉

貴三州事龍

茸之下直道有立擴悍之內義威必行賦增而不擾法

一而無憾然以憂慄間於多虞卒成耳目之塞道致齒
牙之猾元和五年五月二十一日疾卒於公館年五十
五明年某月日返葬於潭州某原夫人隴西李氏大理
評事練之女年三十三貞元十六年終於郴州有子四
人曰贊曰某贊十三年矣哀禮具焉京兆尹弘農公始由
湖南為江西再以君為從事知之最厚痛君之能不施於
劇任惜君之志見屈於羣疑且以誌授宗元使備其闕
古者觀其所使而知在上之德今也觀其所使集註以而

知在下之誠嗚呼可無辭乎銘曰

舅姓之裔司徒隆漢惟君是承有植有

集作其

幹始屬奉

常出叅藩翰議讞西蜀平其狴犴巡視南楚總茲條貫
貿遷化居貨殖攸贊改煎鎔範貢輸增筭既飭財賦亦
專傳館去牧荒陬肅其聽斷啟敷以息暴戾斯道行非
選事進不避難始賴其寧終聞見憚疾與憂積忠

集作志是

隨魄散年極中身葬茲高岸才耶命耶君子與歎

和州刺史

四字集作連
州員外司

馬凌君權厝誌

前人

年月日尚書都官員外郎和州刺史連州司馬富春凌
君諱準卒于桂陽佛寺先是六月告于州刺史博陵崔
君曰余嘗學黃帝書切脉視病今余肝伏以瀇腎浮以
代將不臘而死審矣凡余之學孔氏為忠孝禮信而事
固蜀本作故大謬卒不能有示乎世者命也臣道無以明乎
國子道無以成乎家下之得罪于人以謫從集徙作醜地
上之得罪于天以降被罪疾余無以禦也敢以鬼事為

累又告為老氏者某曰余生於辰今之遇

集作
寓

戌辰戌

衝也吾命與脉叶其死矣乎吾罪大懼不克歸柩於吾

鄉是州之南有大岡不食吾甚樂焉子其以是葬及是

咸如其言云孤夷仲求仲以其先人之善余也勤以誌

為請嗚呼君字宗一以孝弟聞于其鄉杭州刺史常召

君以訓于下讀書為文章著漢後春秋二十餘萬言又

著六經解圍人文集未就有謀畧尚節氣調人之急出

貨力猶棄粃粃年二十以書干丞相丞相以聞試其文

日萬言擢為崇文館校書郎又以金吾兵曹為邠寧節度掌書記涇之亂以謀畫佐元戎常有大功累加大理評事御史賜緋魚袋換節度判官轉殿中丞

集作此字侍御

史府喪罷職後遷侍御史為浙東廉訪使判官撫循罷人按驗汎吏吏人敬愛厥績以懋粹然而光聲聞于上名以為翰林學士德宗崩邇臣議祕三日乃下遺詔君獨抗危詞以語同列王伾畫其不可者十六七乃以旦日發喪六師萬姓安其分遂入尚書乃以文章侍從由

本官叅度支調發出納姦利衰止以連累出和州降連
州居母喪不得歸而二弟繼死不食哭泣遂喪其明以
沒蓋君之行事如此其報應如此夫人高氏在越孤四
人南仲殷仲在夫人所未至執友河東柳宗元哀君有
道而不白於天下離愍逢尤夭其生且又同過故哭以
為誌其詞哀焉銘曰

噫凌君生不淑學孔氏揚蕪集作谷郁好謨謀富天祿讎
禁書贊推轂觀靈龜獲貞卜從集作徒東越翊明牧罷人

蘇汎吏覆升侍從躬啓沃匡危疑興大福吏尚書徒隸
肅佐經邦才用足道之躡身則辱烏江垂九疑麓仍禍
玄邁茲酷能知命無怨毒罪不泯死猶僇何以葬南嶺
曲魂有靈故鄉復封茲壤歸骨肉為之銘志陵谷

柳州刺史柳君墓誌銘

韓愈

子厚諱宗元七世祖慶為拓拔魏侍中封濟陰侯曾伯
祖奭為唐宰相與褚遂良韓瑗俱得罪武后死高

集注
作中

非宗朝

文粹
作時

皇考諱鎮以事母棄太常博士求為縣令

江南其後以不能媚權貴失御史權貴人死乃復拜侍

御史號為剛直所游皆當世名人子厚少精敏無不通

達逮其父時雖少年已自成人能取進士第嶄然見頭

角衆謂柳氏有子矣其後以博學宏詞授集賢殿正字

集作授校書
郎藍田尉

俊傑廉悍議論證據今古出入經史文粹作旨

百子躡厲風發率常屈其座人名聲大振一時皆慕與

之交諸公要人爭欲令出我門下交口薦譽之貞元十

九年由藍田尉拜監察御史順宗即位拜禮部員外郎

遇用事者得罪

集作文粹作十九年拜監察御史王叔文執誼用事拜尚書禮部員外郎且大用遇文等敗

例出為刺史未至又例貶

文粹有永字

州司馬居

閻益自刻苦務記覽為詞章泛濫佞性蓄為深博無涯涘

而自肆於山水

文粹有之字

間元和中嘗例召至京師又偕

出為刺史而子厚得柳州既至嘆曰是豈不足為政耶

因其土俗為設教禁州人順賴其俗以男女質錢約不

時贖子本相侔則

集注作許

沒為奴婢子厚與設方計悉令

贖歸其尤貧力不能者令書其傭足相當則使歸其質

觀察使下其法於他州比一歲免而歸者且千人衡湘以南為進士者皆以子厚為師其經承子厚口講指畫為文詞者悉有法度可觀其名至京師而復為刺史也

中山劉夢得禹錫亦以

集無此字

在遣

文粹作謫

中當詣播州子

厚泣曰播州非人所居而夢得親在堂吾不忍夢得之

窮無辭以白其大人且萬無母子俱往理請於朝將拜

疏願以柳易播雖重得死罪不恨遇有以夢得事白上

者夢得於是改刺

文粹無此字

連州嗚呼士窮乃見節義今

夫平居里巷相慕悅酒食游戲相徵

文粹作追

逐詑諉強笑

語以相取下握手出肺肝相示指天日泣涕誓生死不
相背負真若可信一旦臨小利害僅如毛髮比反眼若
不相識落陷寃不一引手救而

集無此字

反擠之又下石焉

者皆是也此宜市井狡猾所不忍為而其人自視以為
得計聞子厚之風亦可以少媿矣子厚前時少年勇於

為人不自貴重顧籍謂功業可立就故坐廢既退又無

相知有氣力得位者

集有推挽字

故卒死

厄集作

於窮裔才不

為世用而

集粹無而字

道不行於時也使子厚在臺省時

文粹

有亦字自持其身已能如司馬刺史時亦自不斥斥時有

人力能

文粹作解

舉之且必復用不窮然子厚斥不久窮不

極雖有出於人其文學詞意

集作章

必不能自力以致必

傳於後

文粹作不能自以力傳於後

如今無疑也雖使子厚得所願

為將相於一時以彼易此孰得孰失必有能辨之者子

厚以元和十四年十一月八日

集粹作十月五日

卒年四十七

以十五年七月十日歸葬

集作于

萬年縣先人墓側子厚

有子男二人長曰周六始四歲季曰周七子厚卒乃生女集有子字二人皆幼其得歸葬也費集作資皆出於

文粹無此字

觀察使河東裴君行立行立有節槩重然諾與子厚結

交子厚亦為之盡竟賴其力葬子厚於萬年之墓者舅

弟盧遵

作粹

人性謹順學問不厭自子厚之斥遵

從而家焉逮其死不去既往葬子厚又將經紀其家庶

幾有始終者銘曰

是惟子厚之室既固既安以利其嗣人



欽定四庫全書

文苑英華
卷九百五十三

十六

文苑英華卷九百五十三

欽定四庫全書

集部

文苑英華卷九百五十六至

詳校官庶吉士臣龍廷槐

助教臣常循復勘

總校官進士臣朱鈴

校對官助教臣蔡鎮

謄錄監生臣丁緯

欽定四庫全書

文苑英華卷九百五十四

宋 李昉等 編

職官十六

崔虢州元亮墓誌一首

鄭滁州郎墓誌一首

邢歙州羣墓誌一首

李處州方元墓誌一首

虢州刺史贈禮部尚書崔公墓誌銘

白居易

唐有通四科達三教者曰惟崔公公諱元亮字晦叔其

先出於炎帝至裔孫穆伯受封於崔因而命氏漢初始分為清河博陵二祖故其後稱博陵人曾祖悅洛州司戶叅軍贈太子少保祖光迪贈贊善大夫考杭揚州司馬兼通事舍人贈太子少保集作妣太原王氏贈晉陽

師郡太夫人公即少師季子解褐補秘書省校書郎從事宣越二府奏授協律郎大理評事朝廷知其才徵授監察轉殿中歷侍御史膳部駕部員外郎洛陽令密州刺史公集有史至密察民之凍餒者賑恤之疾疫者救療之

胷體

集作骼

未殯者命歲葬

集作葬歲

之男女過時者為嫁

集作作

娶嫁之三月而政立二年而化行密人悅之發於謠詠

換欽州刺史其政如密先是欽州

集無此字

民畜牛馬而生

駒犢者官書其數吏緣為姦公既下車盡焚其籍孳息

貿易一無所問先是欽民居其

集無此字

山險而輸稅米者

擔負跋涉勤苦不支公許其計斛納縉賤入貴出官且

獲利人皆忘勞農人便之歸如流水朝廷聞其政徵拜

刑部郎中謝病不就俄改湖州刺史政如密欽加之以

聚羨財而代逋租則人不困謹茶法以防黠吏則人不苦脩堤塘以備旱歲則人不饑罷民

集作
氓

賴之如依父

母入為祕書少監改曹州刺史兼御史中丞謝病不就

拜太常少卿遷諫議大夫屢上封章言行職舉上召對

加金紫以獎之假貂蟬以寵之未幾朝有大獄人心惴

駭勢連中外衆以為冤百辟在庭無敢言者公獨進及

雷危言觸鱗天威赫然連叱不去公遂置笏伏陛極言

是非血淚盈襟詞竟不屈上意稍悟容而聽之卒使罪

疑從

集作惟

輕實公之力既而真拜用

集作因

旌忠臣由是

正氣直聲震耀朝右縉紳者相賀曰

集作皆

國有人焉

國有人焉公以為名不可多取退不必待年決就長告

徑遵歸路朝廷不得已在途拜太子賓客分司東都公

濟源有田洛下有宅勤誨子弟邀招賓朋以山水琴酒

自娛有終焉之志無何又除虢州刺史蓋執政者惜其

去將欲馴致而復用之太和七年七月十一日遇疾薨

于虢州廩舍天子廢朝一日贈禮部尚書周行士林聞

者相弔宗族交友靡不出涕遺直遺愛公兼有焉嗚呼
公之將終也遺誠諸子其書大畧云吾年六十六不為
無壽官至三品不為不達死生定分何足過哀自天寶
以還山東士人皆改葬兩京利於便近惟吾一族至今不
遷我沒宜歸全于滻陽先塋正邱首義也送終之禮作集
事務從儉薄保家之道無忘孝悌吾玉磬琴留別樂天
請為墓誌云爾夫人范陽盧氏先公而歿有子九人長
曰煜通事舍人次曰芻言罕言舉進士次曰緩綏作集
中

牟尉其下皆幼稚煴等哀毀孝敬號護輿翟以九年四
月二十八日用大葬之禮歸寢于磁州招義縣磁邑鄉
北原遷盧夫人而合祔焉遵理命也公之丁少師憂也
退居高郵其地卑濕泣血卧苦者三載因痼集作病痺其
兩股焉逮于終身竟字有不能趨拜從弟仁亮竄謫巴南
歿而無後公先命長男煴護喪歸葬後命幼子聽繼絕
承祧自宗族及朋執間有死無所歸孤無所依者公或
祭之葬之或衣之食之或婚之嫁之俟齊二家之類是

也故閨門稱其孝羣從仰其仁交遊服其義可不謂德行乎公幼嗜學長能集作善屬文以詞賦舉進士登甲科

集作善

以書判調天官入上等前後著文集凡若干卷尤工五

言七言詩警策之篇多在人口其餘製述作者許之可

不謂文學乎公之典密歛湖也理化如此集作被可不謂

集作被

可不謂

政事乎居大諫騎省也忠謙又集作入字如此可不謂言語

乎公夙慕黃老之道

集作術

齋心受籙服氣鍊形暑不流

汗冬不挾纊膚體顏色冰清玉溫未識者望之疑神仙

中人也在湖三載

集作歲

脩三元道齋每

集無此字

輒有綵

雲靈鶴回翔壇上久而去之

集作之

前後置齋七八而

鶴來儀者凡三百六十其內脩外感也又

集無入字

如此可

不謂通於大道乎公之晚年又師六祖以無相為心地

以不二為法門每遇僧徒輒論真諦雖者年宿德

集作學

皆心伏之及易簣之夕大怖將至如入三昧恬然自安

仍於遺疏之末手筆題云甞榮甞悴敲石火即空即色

眼生花許時為客今歸去大厯元年是我家其解空得

証也又如此可不謂達於佛性乎總而言之故曰通四
科達三教者也居易不佞辱與公遊者三十餘年年老
分深定為執友况奉遺札託為斯文且慙鄙陋不敢辭
讓銘曰溢水之陽鼓山之下吉日吉土載封載樹嗚呼
博陵崔君之墓

滁州刺史鄭公墓誌銘

前人

周宣王封母弟桓公于鄭厥後因封命氏為滎陽人鄭
自桓公而下平簡公而上世家婚嗣咸載詳集作于史譜

故不書公諱朗字某五代祖諱某北齊尚書令是

集作謚

為平簡公曾祖某下邳

集作
邦

郡太守王父諱某衛州刺

史皇考諱某祕書郎贈鄭州刺史公即祕書第三子好

學工詞賦舉進士中第判入高等始授郾城尉無何本

郡守移地部州民有暴恃者相率遮道麾呵不去公忿

其犯上立斃六七人採訪使竒之奏署支使改浚儀主

簿轉大理評事兼佐漕務

集作
豫

非彭果領五府奏公為節

度判官會果坐贓連累僚佐貶光化尉移向城尉歷北

海尉時安祿山始亂傳檄郡邑邑人孫俊鄧羅伽毆市人刦廩藏以應公時已去秩因奮呼率寮吏子弟急擊之殺俊羅伽盡殲其黨由是一邑用寧朝廷嘉集作美之擢

授登州司馬尋轉長史累加朝散大夫入為太子左贊善大夫尚書屯田員外郎太子中允出攝淄州刺史俄改集作換萊州連有善最詔授檢校司勲郎中兼侍御史

充青萊登海密五州租庸使太尉李公光弼鎮徐州奏公為節度判官改太子左諭德屬海州沂州饑盜賊起

詔除沂州刺史充海密沂三州招討使加正議大夫賜
紫金魚袋公惠威舊著比至部而蒼山賊帥李浩與其
徒五千來降由是三郡底定復入為衛尉少卿相國王
公縉統河南奏公為副元帥判官未幾除祕書少監兼
滁州刺史本州團練使居八載政績大成大歷十三一作二
年二月十五日薨于揚州權窆于某所享年七十有
八公凡七佐軍四領郡俸不積滯衣食無常主常嘆曰
以飽煖活孀幼以清白貽子孫是吾心也逮啓手足卒

如其志先是太夫人嘗寢疾公衣不解帶髮不櫛者彌年侍疾執喪憂毀過禮公尤善五言詩與王昌齡王湧之崔輔國輩聯唱迭和名動一時迄一作逮今著樂府詞

播人口者非一晚賦思舊遊詩百三十篇亦傳於代前

夫人清河崔氏贈清河郡太君後夫人博陵崔氏贈博陵郡君生子七人長子雲達有才名至刑部侍郎京兆

尹公由京兆累贈官至散騎常侍刑部尚書次子徵終

潤州司馬次子公達一作達有至行初以公年高不就仕

及居憂廬墓泣血三年淮南節度使本道黜陟使洎朝
賢袁高恭等累以孝弟稱薦嚮名教者慕之今為侍御
史上柱國滄景節度叅謀次子方達衡州司士叅軍次
子震陽二字集作農當塗集作當陽縣丞次子震弼集作大弼幽州叅
軍公自捐館殆逾三紀家國多故未克及葬至元和五
年移始集作遷于鄭州新鄉縣某原祔先祕書瑩二夫人
從焉時京兆已即世諸弟在下位獨侍御史衡恤考集作

襄事考備終始見託追誤銘于墓石銘曰

世祿德門斯之謂可久懿文茂績斯之謂不朽二千石
之祿七十八之年斯之謂貴壽內史之顯揚柱史之孝
行斯之謂有後嗚呼鄭公榮如是哀如是又何不足之
有

歙州刺史邢君墓誌銘

杜牧

亡友邢渙思諱羣牧大和初舉進士第於東都一面渙
思私自約曰邢君可友後六年牧於宣州事吏部沈公
渙思於京口事王并州俱為幕府吏二府相去三百里

日夕聞渙思佽助并州鉅細合宜後一年牧奉沈公命
北渡揚州聘丞相牛公往來留京口并州峭重入幕多
賢士京口繁要游客所聚易生譏議并州行事有不合
理言者不入渙思必能奪之同舍以為智不以為穎并
州以為賢不以為僭侵游客賢不肖不能私諭議集作
譏

以一詞公事宴懽渙思口未言足未至缺若不圓牧曰
往年私約邢君可友今真可友也盧丞相商鎮京口渙
思復以大理評事應府命令吏部侍郎孔溫業自中書

舍人以重名為御史中丞牧以補闕為賀客孔吏部曰
中丞得以御史為重輕補闕宜以所知相告牧以渙思
言中丞曰我不素知願聞其為人牧具以京口所見對
後旬日詔以為監察御史會昌五年渙思由戶部員外
郎出為處州時牧守黃州歲滿轉池州與京師人事離
閼四五年矣聞渙思出大喜曰渙思果不容於會昌中
不辱吾御史舉矣渙思罷處州授歙州牧自池轉陸歙
州相去直西東二百里問來人曰邢君何以為治曰急

於束縛黠吏冗事弊政不以久遠必務盡根本牧曰邢
君去縉雲日稚老泣送於路用此術也復問閑日何為
曰時飲酒高歌極歡牧曰邢君不喜酒今時飲酒且歌
是以不用繫繁集作慮而不快於守郡也復問曰日飲幾
何曰嗜彘肉日再食收凡三致專書曰本草言是肉能
閉血脉弱筋骨壯風氣嗜之者必病風數月渙思正握
管兩手反去背仆于地竟日乃識人果以風疾發舟東
下次于睦兩扶相見言澁不能拜語及家事曰為官俸

錢事骨肉親友緣

集作隨

手皆盡蓋壯未期病病未期死

今病必死未死得生至洛幸矣妻兒不能知矣君進士

及第歷官九歷職八始太子校書郎協律郎大理評事

監察御史京兆府司錄殿中侍御史戶部員外郎處州

刺史歙州刺史職為浙西團練巡官觀察推官度支巡

官再為浙西觀察推官轉支使為戶部員外郎判度支

案代劉稹為制使使鎮魏科

集作料

軍食賜緋服銀章初

副李丞相回再副高尚書銖撫安上黨三面征帥大中

三年六月八日卒於東都思恭里年五十邢氏周公次
子靖淵封為邢侯國滅因以為氏西漢宇為太尉子綏
為司空曾孫也世宗光武時為驃騎將軍世宗玄孫顥
因居河間當曹魏時叅太祖丞相事終於大常邢有河
間南陽君實河間人太常後也後至晉魏已降皆有官
祿唐麟臺郎仲集作中舉於君為曾祖麟臺生奉天令侍
封奉天生緜氏丞至和君即緜氏子兩娶前夫人隴西
李氏忠州刺史佐次女今夫人南陽張氏壽州刺史植

女四男曰憚惜集作惜溫郎壽郎用某年某月某日葬于

偃師縣某鄉某里某原葬有月日其孤立使者哭告于

柩來京師請銘銘曰

十五知書二十有文三十登進士五十登刺史才能溫良并包與之而止於斯七政在天一迴一旋差以釐數能窮如集作知賢賢者多夭不肖壽考誰為聖魁孔不能究無可奈何付之以命曰如命何

處州刺史李君墓誌銘

前人

君諱方元字景業刑部尚書贈司空貞公長子也貞公事憲宗皇帝兄弟受寄西

集作四

鎮在漢南時戰淮西未

利監軍使崔談峻讒言中入為太子賓客後淮西平李光顏移鄭滑陳許無帥帝閑讖獨言曰勁兵三千

集作萬

誰可付者談峻侍則曰有大臣家不三十口俸錢委庫

不取小僮跣足市薪此可乎帝曰誰為者談峻進則

集作

即以貞公言帝即日起貞公為陳許帥其儉德服人如

此景業少有文學年二十四一貢進士舉以上第昇名

解褐裴晉公奏以秘書省校書郎校集賢殿祕書聰明才
敏老成人爭與之交後以協律郎為江西觀察支使裴
誼觀察判官有殺人獄法曹官暇集作斷成當死者十二

人景業訊覆數日內活十二人冤人集無此字尚書以上下

考奏裴公移宣城授大理評事團練判官後尚書馮公
宿自兵部侍郎節鎮東川以監察御史集無此字裏行為

觀察判官不以歲御史府取為真御史分察鹽池左藏
吏盜隱官錢數十二字集作千萬獄竟遷左補闕遇事必言

不知其他丞相固言以門下侍郎出鎮西蜀奏景業以
檢校禮部員外郎叅節度軍謀事仍賜緋魚袋徵拜起
居郎出為池州刺史始至叛造籍簿民被徭役者科品
高下鱗次比比一在我手至當役役之其未及者吏不
得弄景業賞嘗集作歎曰沈約身年八十手寫簿書蓋為

此也使天下知造籍役民民庶少活復定戶稅得與豪
猾沉浮者凡七千戶哀入貧弱不加其賦堤州南五里
以涉為衢凡裁減蠹民者十餘事城東南隅樹九峯樓

見數千里鑿齊山北面得洞穴怪石不可名狀刊石於
嵒下自紀其事凡四年政之利病無不為而去之罷去
上道老民攀哭景業季父刑部侍郎建與貞公以德行
文學俱高一時時之秀雋半歸李氏門下景業復聰明
少銳儉苦溫謹早與長者游備知天下之所治嘗慷慨
有意於經綸少在諸侯府入為朝官出為刺史蚤夜勤
苦為學不已屈指計量必伸已志雖時之名士亦以此
許之罷池廉使韋公溫館于宣城會易四五集作年四月

某日卒于宣城客舍年四十七

集作三

七代祖遠後周柱

國大將軍都督雄

集作熊

陝十六州陽平郡公曾王父珍

玉綿州昌明令昌明生震

集作此字雅州別駕贈左

集作右僕

射生貞公遜先夫人榮陽鄭氏贈本縣太君後夫人范

陽盧氏男若干女若干人銘曰

顯莫識其端幽莫見其緒已乎景業何付與之多而奪
之何遽天顏病冉孔子不知其故於景業兮杳欲何語
嗚呼哀哉

文苑英華卷九百五十四

欽定四庫全書

文苑英華卷九百五十五

宋 李昉等 編

職官十七

此下六卷
英華所編
失作者先後今正之

王司馬墓誌一首

張長史承休墓誌一首

呂司戶虔墓誌一首

趙長史墓誌一首

孫司馬嘉之墓誌一首

李司馬墓誌一首

申州司馬王府君墓誌

陳子昂

君諱某字某先太原人也昔周文王有聖人之德甲子

受圖至我靈王誕膺丕顯太子晉得鳳凰之瑞恭揖羣

后上為帝賓綿綿生人作我王氏迨秦有責剪并吞諸

侯晉有渾祥功格帝室至魏集作
魏至

慧龍為貴種矣十二

代祖卓晉常山公主子也始公主湯沐邑在汾陰永嘉

淪夷不及南渡因樹松集作
松檻而結廬焉卒葬于長壽

原至今鄉有太原之號也曾祖亮周開府儀同驃騎將

軍隋信州刺史樽俎之帥集作
師也祖儉隋離石郡守唐

石州刺史贈代集作
岳州總管廣武烈侯社稷之器也父

謚唐虞部郎中荊州大都督府司馬商壁廊許冀五州
刺史加銀青光祿大夫瀘州都督金水敏侯上柱國廊
廟之才也敏侯有功於國始賜土田白茅苴之在鄴之
曲因食采今為雄州人君即敏侯之元子炳靈珍粹輝
采幽簧愿而能集作以恭寬而以栗青衿聞道已光大矣

天子立太學所以養賢公子齒上庠所以觀國君之休

烈泉

集作淵

塞志業雲翔年若干為國子生某年集作中

射

策甲科解褐補吳王府叅軍事時吳王帝之愛子國選

英僚君三德允彰六行既穆與某郡劉孝孫首先

集作光

此舉誦詩三百和淑其仁而醴酒不恭楚筵亦廢坐除

滑州錄事叅軍又轉隴州錄事叅軍時樂成公劉仁軌

以宰相之貴持節此州曖然惟中主諾責下軍機

集作提

綱未幾羣轄載孚劉公坐嘯以為能也舉遷汾州平遙

縣令其地有臺台

左傳作駘

之怪蟋蟀之人君黃鼎介中鳴

琴不下鍾鼓既考風俗允和帝曰良哉而格我政加朝

散大夫遷岐州扶風縣令若尹翁歸以文武之幹緝熙

此邦黃圖雖寧赤丸未乂君以先

集無先字

庚斷甲設距投

鈎褚裙始繩堊面咸革丁我敏侯艱遂茹哀苦廬銜恤

終紀是歲申國不理元寮佇才制加朝散大夫授申州

司馬屬太夫人有羸老之疾棄

集作去

官不之白華增勤

綵衣是慕至於朝哺

集作盥

夕膳候色承歡夔夔齋栗蒸

蒸不匱有若楚太子

集作老萊

為之嬰兒也嗚呼昊天不弔

降此鞠凶太夫人以眉壽薨時君年已七十二矣禮以

飲酒而君絕漿虞以降哀而君泣血茕茕在疚欒欒棘

心集作樂新穀未升匪義已殞以其年青龍癸巳薨于

某里第之正寢孝之終也嗚呼哀哉昔聖人五十而慕

先子謂之至德今君七十二而盡其哀非敦篤允元深

仁淑德者疇能離此哉夫人弘農楊氏隋內史侍郎丹

川公演之女孫也幼有淑德而美令儀采繁昭華禮荷

比秀至於內嚴閨訓外匡君子麟趾以穆鷄鳴有章誠

可道映公宮事宣形管晚年以儒困

集作因

未究冥業唯

深遂揭無生之筌將遺有漏之屣顥潔道行受蓮華經

理極翻三心滅不二形妄緣盡歸真化冥歲在丁酉處
順而往始我府君以懸車之歲從負米之勤夫人亦能
肅恭晨昏嚴祗左右夫至行莫大於孝崇義莫顯乎忠
君克勤于家盡力於國形集作刑于妻子至於朝廷夫矜
而不與物或有違廣而無適義所以比君好謙達禮研
機成務摹其法器無不馴從其政事無不理夫用我者
而豈徒哉嗟乎矜而能廣集作廉利而不凢百行允備三
事不偕臧文仲其竊位歟柳下惠其直道歟有子四人

集作于

禮樂永號罔極泣血昊

長曰某官至武連縣令先公而卒次子某等肅奉嚴訓
景行高山達于家邦光乎于禮樂永號罔極泣血昊
天始府君臨終遺令薄葬墨龜未食青鳥不封權殯于
某所需吉兆也龍集己亥律躡應鍾金鷄鳴玉狗吠黃
腸密啓丹旐徐飛始遷神於某原之陽禮也青龍在左
朱鳳居前雙衾共封二室同穴珠玉不瘞丘隴誰傳刻
此金石以旌後賢

恒州長史張府君墓誌銘

張說

君諱承休字某吳郡吳人也留侯興漢播美西京長沙涉

集作徙

吳蔽蔓東土曾祖冲在陳為文帝師入隋為漢

王學士祖後消授經太宗尊之以為

集無此字

祭酒既封新

野又贈以宗伯考少師位不克量止於朱陽宰班固稱

世名忠孝魏武謂積善之家昌門一絲暉我諸族君受

天戬穀傳家業藝希言敦行去華崇實非法不由非禮

不動精於理物敏於政事初以南郊齋郎補兗州兵曹

丁太夫人憂廬墓三年加人一等再任始州司倉應八

科舉改鄭州錄事叅軍又舉賢良方正遷揚府

集作州

司

錄叅軍移蘇州常熟令歷政皆有能名加朝散大夫入

為司農丞實掌錢穀姦僦息望使覆囚嶺南是司獄訟

聽折惟允乃授濟源令風行畿甸河潤洛師加朝議大

夫上柱國拜絳

集作隆

州司馬轉恒州長史簡而有孚權

而有中道嬰風患

集作恙

去職就醫還京春秋六十有

二終於頌政里夫人成紀郡君天水秦氏廬陵郡公行

師之孫嗣公游福之女敬事君子誠訓諸孤當代之孟

母者

集無此字

也年六十二終於許州開元元

集作九

年十月

某日合葬於武功之禮讓原禮也夫道大難合仕屯而

不進德高者

集作有

後身沒而福流君同生八人半服銀

父祚肩五子率為珪璋比迹於燉煌六龍南鄭千室德

門濟美信有徵乎懼陵谷或遷乃勒銘沈石銘曰

思文留侯時惟皇祖長沙南守分幹東土家有道書門
傳學府嵬峩重世通經二主誕靈上詰克廣斯文造次
仁義優游典墳孝乎事親忠乎事君猗那叔父亦足有

云

玄州司戶呂君墓誌銘

君諱虔字某其先東平人也堯之太岳始封呂侯周之

太師實表齊國河西則霸王繼氏

集作代關東則丞相聯

華近徙河間是稱右族大父贊隋幽州都督府長史考

師滄州清池令並振羽儀馳聲郡

集作都

邑公孝弟天至

禮樂混成千里聞騏驥之才五都重琅玕之價壯士行

去樹勲於塞垣君子居之何陋於蕃郡以上柱國為玄

州司戶參軍積善襲於家風餘慶流於身後享年若干
而卒夫人清河縣太君傅氏四德爰為六行聿脩始則
賓於冀妻終乃訓成孟母春秋若干而終開元十四年
某月合葬於州城西南里之平原禮也我有令子職司
馬於小山我有淑孫偶乘龍於大樹榮哀之事于茲畢
矣銘曰

堂堂呂公休有令德穆穆傳母順成內則兩譽齊振雙
儀不懲或集作景行山東風流河北有生必謝誰能獨存

神寧故里合葬中

集作平

原劖暗泉室松寒墓門勒銘沈

礎萬古何言

許州長史趙公墓誌銘

張九齡

公諱某字某天水隴西人其先受賜于周所食者趙下
逮襄子大為諸侯至

集作貽

于謀孫克用保國有功有伐

無代無之曾祖某隋尚書左右僕射淮安

集作寧

郡公祖

某金紫光祿大夫殿中監贈工部尚書武強公父某符

璽

集作寶

郎皆發聞馨香世祚蕃衍不高位者則人望焉

公惇師舊業允廸恭

集作淵

懿包君子大雅之量有古人

獲心之實脩詞以達其道則質文相半履行以顧其言
則剛柔並克弱冠以門子調補湖州叅軍轉相州司兵
叅軍學以入官思不出位格言清論始誦今行屬太上
皇養德在藩擇賢為吏公首其舉王曰爾諧於是引為
相王府戶曹叅軍轉法曹叅軍及龍德既亨鶴鳴有應
往而利見靡以好爵乃授朝散大夫雍州錄事叅軍綱
領諸曹固有不率秩滿除洛州伊闕令事舉其中斂從

其薄惠小鎮大徇公減私政之在人今而遺愛俄遷徐
州司馬未幾轉陝州司馬許州長史千里將聘六轡斯
桑得之自心動而中節故其四叅州事再入府寮一宰
畿邑三為郡佐莫不所居而績宣其用所去而頌因其
跡豈伊苟然厥繇尚矣開元八年春二月疾革乙丑終
于官舍春秋若干某年冬十有一月庚午歸葬夫人崔
氏祔焉公自然淡泊不屑勢利守道貞固與命推遷故
厯年多所移官數四不過參佐而已豈亦直道之云乎

然而卑以自牧約而能濟推厚居薄內安其仁急病讓
夷外多其義不曰君子其能爾乎有子曰令言次曰令
則泣血加人抑情就禮哀憇窀穸之事恭惟先君之德
驗之所履附之斯文以傳無窮以慰罔極銘曰

猗嗟令德寬仁閔道景行行之風流肆好名取公器為

身善寶集作善為身寶志所以立政所以宣入官惟允蒞事其

然是儀是式不忘不愆今也終古後之克祚子孫禋祀

春秋霜露茫茫九原斯焉永慕

宋州司馬先府君墓誌銘 孫述

府君諱嘉之字某魏郡武水人也故屬安樂蓋齊大夫書之後至晉長秋卿道恭有子曰顥避地河朔後世居焉顥五世孫魏光祿大夫惠蔚為本朝大儒自時厥後不墮其業公即光祿玄孫也曾祖孝敏隋大業中并州晉陽縣令所居之聚聊設衡闕至疑為晉陽里祖仲將皇朝鄆州壽張縣丞父希莊皇朝韓王府典籤自晉陽至府君四世而傳一子故五服之內無近屬焉府君四

歲而孤無所怙恃外祖劉士傑因官居于潞之涉縣府君自幼及長外族焉依克自激昂允迪前烈弱冠以文章著稱因此遊太原涉西河以觀陶唐之風河汾之間有盛名矣垂拱載初之際始詣洛陽獻書闕下極論時政言多抵忤所如不合遂投跡太學託名常調天冊中以進士擢第與崔日用蘇晉俱為考功郎中李迴秀特所標賞久視初預拔萃與邵昊齊澣同昇甲科解褐蜀州新津縣主簿又補河南府緜氏縣尉改王屋縣主簿

府君少好攝生之術自王屋授訣於司馬先生便欲罷官學道而官微祿薄曰疑門無儲宗黨孤眇無所仰給繇是願效六百石長吏焉歷洛州曲周宋州襄邑二縣令秩滿之後遂絕跡人世屏居園林怡神太和以適初願居數歲秩疑長子某拜中書舍人實掌絲綸皇上以府君有義方之訓特授朝散大夫宋州司馬仍聽致仕手詔褒美親族榮之享年八十三以開元二十七年四月二十四日棄背於東都集賢里之私第府君性聰明

而志高邈學該百氏而不為章句文窮三變而尤工氣質早有大名晚從卑位於是知命之不偶道之不行隨時委運澹然無營而疇昔輩列平生雅故當軸處中者多矣蓋未嘗跼足而近之恬於勢利乃如此也然所涖之職必悉心為政不以小而易之人到于今遺愛矣爾其閨門之教子孫之謀猷之必遠誨則無倦萬石不假於誚讓太邱惟聞於遵疑誘保久於後無慙古人夫人廣平宋氏蒲州安邑縣令斌之孫滑州司士叅軍郁之

女淑德賢行深慈至柔有子四人皆著名於詞學有女
六人俱涉跡於圖史非獨府君之善訓亦有夫人之內
則焉享年六十以開元十年十一月二十三日先棄背
於河陽別業逝邇遘迨等遭天不憖遺降此鞠彌創鉅
以深荼蓼又集永惟宅兆未立精靈未安猶力延瘠尚
存餘喘即以府君違世之年八月十二日遷厝于印山
陶村之西原合祔焉禮也北據岡阜南瞻城闕一以託
州原之勝勢一以近庭闈之故居諸孤等亦願朝奠几

筵幕掃松柏往來密邇以寘哀懷伏惟尊靈安此真宅
小子痛極豈復能文泣血書事言多失緒其詞曰

惟先府君不墮厥問克惟厥訓惟先夫人慈範是經柔
德是程昊天罔極曷其報德敢述舊聞言豈為飾

揚州司馬李公墓誌銘

李華

公諱某字某趙郡高邑人也在昔咎繇謨明玄元道德
武安之功秦人息甲廣武之畧淮陰東西疑作面魏則中

書為臣齊則常侍參佐命丞勳隣邦明喆于周隋水部

才冠時倫訓迪于忠孝國朝則蒲州之仁政趙州之懿德趙州生晉陽尉諱某道崇位卑鍾慶身後官婚人物為山東上族五百餘年矣公少孤以經明行脩登第直崇文館授雍邱尉屬國家升中泰山縣當馳道徵責萬計臨事無違居至卑而不折當大務而不撓外兄許公蘇尚書邇特親重之秩滿考六經覽羣書手抄二百卷觀其大一作仁義歷交城尉無何丁內艱柴毀終禮授榆次尉裴尚書仲先為太原尹廉察河東引公在幕賢者

知勸不仁者懼既而從調朝廷詔有司精求令長公以崇壁之咨鍾彞之重屈為蕭令邑臨古汴之衝每歲為害公因租之集兩稅一石置於水濱治之為防水不敗稼蕭人賴之徐方歌之則政之利人餘可知也選授太原府法曹叅軍事大都阜殷嚚訟填積公鏡其詐實皆叶身中太原王之北門枕扼夷夏屬邊部首亂悉衆米攻公撫弦登陴左右軍師完城池潰凶醜有力焉詔加朝散大夫遷太子洗馬拜右諭德進階正議大夫東宮

圖書亡逸有司命公留北部蒐訪焉淮南節度故相崔尚書圓表公為揚州右司馬將任以州政方祖道遘厲而終享年六十六廣德二年六月十三日也長子規前刑部員外郎兼侍御史次子覲故沂州沂水縣丞次子覲故太原府榆次縣尉次子峴前汾州平遙縣丞幼子觀前左監門衛率府兵曹參軍事泣血茹悲哀號萬里求仁者之助於江湖奉迎裳帷於太原歸安洛汭禮罔不備某年月日窆於某原禮也規有公遺風國之才臣

嘗為晉州吏職中外宣力王室聞於天下公其不亡矣
公有文有武簡而能肅不伐其勞推其美於人神明質
高嶷如山孤味道於老莊還性於禪惠每涉危必免阽
患無傷冥然禮順疑若靈助蓋德之所至者也嗚呼位
不尊壽不遐時耶命耶華於公諸從雁行為公所知感
規之孝祇述盛烈以慰諸孤之心其銘曰

貴為侯伯來日赫赫百夫之特所稱者德神錫純嘏道
無違者淮南鎮揚為右司馬嘗泣蕭人蕭人以淳嘗揚

太原功宣北藩艾綬銀章丈夫之尊春秋匪懈榮於寢
門宜其永世天胡降戾仁而有子哀號萬里維嵩之隅
維汾之涘我卜我筮壽宮脩止與天無期寧極於斯子
孫百代拜手於斯

文苑英華卷九百五十五

欽定四庫全書

文苑英華卷九百五十六 宋 李昉等 編

職官十八

崔判官汪墓誌一首 韋倉曹元誠墓誌一首

李長史鋒墓誌一首 唐推官欵墓誌一首

李司錄雍墓誌一首 權叅軍隼墓誌一首

蕭兵曹惟明墓誌一首

劖南節度判官崔君墓誌銘 常 紗

故人清河崔汪字巨源舉秀才校文尋佐戎衛遷廷尉評辟荆襄益三府春秋若干大厯四年月日遇疾終於成都官舍以己酉歲律中南呂庚辰之辰返葬於棲鳳原龜從也惟先德世勲焯叙前志祖仁堅父綱位不配才佐郡貳邑而已公志經炳文義精格峻敦孝本義篤近周親定交後求忠告善道達則兼濟否則艱貞天寶之難覩萌晦跡族行導漾儉德全身陶融太和不嬰物累而辟書狎至傳駟旁午不暇棲伏俛而受命竟友於

諸侯咨以書奏籌畫之事抗詞中病動不求合老將嗟
喟大豪雄張正色檢御革心畏憚從容儒服以靜邊荒
夷險終始坦然一致初郭英乂鎮蜀政暴及禍公以嘗
所辟用雖言之不行終全節守義遂與妻子居巖石之
下不復斂袂於是府矣及相國衛公示是南邦旌禮賢
士侍以坐幄咨訪戎政議者謂翰飛紫霄邈其遠矣志
士方展國華中零哀哉蓋君子恥食浮於人不患無位
故曰孔門不稱其官閥潁川尚慙於鄉長公始以文顯

中以道勝終以義全斯亦成名矣何必乘軒服冕方謂之達歟然以有王霸之畧通質文之變不得與公卿大夫高議明庭鬱湮重泉知者悼惜旅櫬南下浮江阻寇夫人河東薛氏故水部郎中據之女也公之死明誓崩戚感動潛舟夜風反柩湍險神明所護川后息波出于萬死之中充此九原之葬可謂貞烈孝婦軌儀壹教嗣子師周十一歲而孤危身過毀以余先君之舊見託銘述詞曰

元和內融懿鑠孔純學濬泉源文鬱春雲儉德處難超
然世氣即戎雅歌偃息中軍參以天時合於兵機道行
則安言廢則危終保風節蜀人高之英靈沉埋旅櫬流
離哀哀孝婦上訴蒼昊金枢巴江歸魂蜀道田橫舊曲
季布餘輶一閑泉扃千秋蔓草

范陽郡倉曹叅軍京兆韋公墓誌銘

獨孤及

永泰二年五月七日有唐故衢州刺史魯縣子京兆韋

璆第三子范陽郡倉曹叅軍諱元誠葬于少陵原先塋夫人范陽盧氏祔焉從周禮也公少時為坊州叅軍歷襄州司法試守棗陽縣令真授蒙城令凡五遷至范陽倉曹初安祿山以范陽叛刲脅元元以殺整衆士之因官因居而困窘顛躡墮圍中者數千計亮威所及不死則汙公掾吏也在偽署伍中溷跡佯狂冀以病免盜憎之乃加害焉春秋若干夫陽九厄會天地鞠玄燎火炎炎玉石何訴是歲天寶十五年也嗚呼人皆筮仕必以廉

平公幹稱於州里人誰無死死則名不辱志不奪不嚙
盜哺以易其生生且不苟其事君事親之禮不待史氏
而自明矣在官必聞則居家正身與朋友臨財之節可
知矣有子曰形龍鍾崎嶇於險阻之中十年不克返葬
哀有何極歲在乙巳冬某月始跋涉大行恒山之路以
公之喪葬自某原集作至自某郡是公季弟吏部郎中元曾既
得吉卜痛天倫之歡莫之追也願以君之忠於君恪於
官友於家之德之美以播後嗣庶幾陵岸遷而德音不

磨謬以及為習於禮者故使為誌其辭云

天地橫墮三象霧

集作
霾非

兮梟獍擇肉鷙鷙懼兮明夷于

飛罹其故兮美玉寧折質不汚兮子子孫孫荷餘裕兮

越州長史李公墓誌銘

梁肅

大歷己未八月癸丑故尚書比部郎中

集作
員外

渤海李公

卒享年六十十月某日權窆于某鄉原嗚呼公諱鋒字

公穎脩人也其先自後魏幽州刺史高城公雄四世至

皇朝太常博士善信善信之孫曰文素以文章知名舉

秀才歷伊闕尉文素生勝尉于馮翊之白水蓋公之父

也鳳閣侍郎平章事武功公蘇味道其外祖也公器宇

魁異

集作梧

英風

集作風神

明邁中立不回旁通多可初不以

祿仕為意用朋酒自娛游江湖間交必一時之選言必

可大之業相國張平原鎬之鎮江西也聞而器之表為

協律郎兼上饒令公用仁愛恤惄獨剛明肅豪右不及

一年上饒之人如熱遇濯亦既報政彭城公劉尚書晏

以狀聞詔遷晉陵令為治加上饒一等郡守李公栖筠

尤重之待以賓禮時公以發硎之器連宰二邑征

鎮者聆其休風方昭集作招是佇不暇陳宣州少遊表言其

是招

能授監察御史參宣歙軍事事無苟慝遷殿中侍御史

集作尹

換工部郎中從事部無闕政因條奏至京師當國者偉

公之才將寘于朝公辭未復命遂以侍御史旋介本使
東遣于會稽與公俱東永泰末妖賊殺郡將以叛其帥

敗亡賊

集作餘

黨詐服公以單騎往安其民一旦收隱慝

集作匪

三十人殺之以徇三衢之人道路相慶人到于今

稱之無何有比部之拜乃兼越州長史既罷歸休于無
錫私第道有所不通公淡然自居其志愈厲加以率性
孝悌睦親接士財必分人衣無常主和樂扇於閨門信
讓達于家邦其進也致身以從政其退也卷懷以自牧
其亡也知與不知皆為歎息嚮非懿識全才其風可懷
則曷以臻此予忝從公遊也久故錄其實以紀之因用
表墓誌銘曰

才宜處貴德宜受福允矣比部曷其不淑融融和風

集作

氣綽綽曠度踈通且仁柔惠有裕登車持斧厥績方茂
力命颸垂陰陽已寇閼川不駐廣廈推構夜臺陰陰何
日復晝

鄜坊節度推官大理評事唐君墓誌銘

權德輿

君諱欵字嘉言北海人曾祖貞休皇比部郎中河南少
尹祖訓太子洗馬考試河南府士曹叅軍代有懿行遠
承華構君清方敏厚幼有立志與伯氏文編講藝脩詞

知名於士友間其文華浹洽而長於比興其義行潔脩
而篤於友悌貞元初舉進士甲科解巾補官衛紀綱掾
右輔守臣撫封辟士表為支使轉左領軍倉曹明年復
調為左金吾胄曹因喟然曰吾三命不越於環列其道
蹇歟滿歲宴居吟咏情性而已會故人彭城劉景通受
天子推轂之重鎮于洛郊集作郡辟書既至命書繼下以
廷尉評事理軍訟未幾請急省兄于盛山又東南至于
雲安間關巴峽嬰冒霧露俄而景通入覲為冬官司空

方欲盛薦君於獻納侍從之列景通既沒

集作列非

左右曹

中執法多所引重而枕疾不起悲夫時二十年秋八月

壬子其年四十有九昔崔駰管輅官不過長岑令少府

丞而當時之翕然扇巧言進取滿志者可勝道哉夫閑

紛綸從古所歎初娶馮翊嚴氏興元長帥相國太保公

之女不幸早亡繼娶天水權氏華州司士叅軍集之女

予之從祖妹也有明敏

集作識

淑行為六姻儀法結褵周

月遭罹柏舟之痛遺瘠之始

集作方娘

可哀也哉予與文編

周旋於文章道藝二十年矣故辱君之歡亦舊淮湖睽
阻京轂會合合姓集作地怛化在旬歲之中寢門屑涕情

何有極冬十月庚寅其孤輝既得吉卜窆于萬年縣義
善原且虞邱夷谷變不可以不識遂為銘曰

一氣沄沄浮休滑潛英華未伸奄忽歸根于嗟乎嘉言
于嗟乎九原刻此清芬

太原府司錄事叅軍李府君墓誌銘

前人

君諱雍字某趙郡鄗人曾祖

集有為
字非

萬安皇鄉平郡丞

祖頊贈鄭州刺史父日知皇銀青光祿大夫黃門侍郎
侍中戶工刑三部尚書君承廩麻覆露而資性和厚有
詞藻工篆隸起家太子通事舍人轉太常寺主簿年甫
成童卓然有立志歷都水監丞長安丞轂下難理號為
稱職丁太夫人韋氏憂免喪猶毀不交人事尋詔除太
原府錄事叅軍已抱沈瘵以開元十有九年夏五月歿
於長安昇道里享年三十五集作四十三噫嘻以侍中公之

寬明正直忠孝於君親書在國籍為景雲賢相宜其子
孫昌阜有韋平之慶而義方積善所及不過於丞吏都
吏未強仕而天斯命矣夫人范陽盧氏殿中侍御史敷
之女司勲郎中游之妹華宗淑行先歿者二歲有子元
之仕至晉州洪洞縣令愷悌之化行於鄉黨命屈其才
亦不至大官洪洞之子曰鄧州新野令彬萬年尉彤陳
州太康主簿彩太公廟丞彥前明經咸等以吏以文修
集作循 守家法君初嘗謂洪洞曰吾家代壞樹在周鄭之

郊延陵羸博豈限故土苟吾啓手足必促擇不食之地

而歸全焉故君歿之歲秋八月權窆於萬年縣龍首原

厥後七十有七歲彬彤等居內憂忍哀襄事因竭誠信

脩集作循祖禰之志啓君之寢遷祔于京兆府奉先縣漫

泉

集作衆

鄉保章

集作章保

里從考

集作吉

卜也與洪洞君庚申

分穴昭穆列次聿脩之義情理無違而形又狀其祖德

請刻墓石抑予之重表甥也嘉其忠孝而銘之其詞曰

伊昔侍中實相睿宗以孝以忠穆然清風乃生良士博

物約集作

仁義坦居易鬱埋下位家有孝孫卜茲鮮原

刻勒清芬歲于墓門

叔父故朝散郎華州司士叅軍府君墓誌銘

前人

序曰洪範叙三德五福之道而德存

集作在

乎人福繫乎

運時未光大則卷而懷之姑以清行厚德遺諸子孫而已公諱隼字子鷺天水洛陽人十二代祖安邱敬公諱翼為前秦司徒代有勳德以至四代祖平涼公諱文偉

歷開府儀同三司涪

集作洪非

常二州刺史曾祖滑州

匡城縣令諱崇本王父益州成都縣令

集作尉

諱無待烈

考許州臨穎縣令諱伋初平涼之先三葉開國匡城以

降世名文行公績承茂緒祗服家法有大易之鳴謙中

庸之慎獨慥慥其守孳孳其勤中立而不易方夷道而

不由徑故克家無玷千祿有聲天寶末州里舉經明屬

幽陵叛渙計偕中止解巾試守河西尉真拜郿陵丞時

東郊不開違難逃祿艱貞潔白終出盜泉朝廷嘉之除

楚州寶應丞是歲太夫人棄孝養刺血寫大乘微言毀
瘠過禮既除喪為親戚所勉調補宋州宋城縣丞孟尚
書某方持郡節深相推重每歲考課居郡中最大厯中
授福昌丞貞元初改革華州司士嘗辟彭城劉公蕭國班
公之府皆分事任實助經費所至之邦必聞其政所奉
之主必加以禮而又學古不怠歌詩必類緣情而不流
體要而無害故祕書包公謂公內外脩集作循理心正氣
和君子以為知言其道未伸天奪之筭嗚呼貞元九年

四月辛亥終於富平從事之館享年六十一夫人陳郡
殷氏皇曹州司法麗正殿學士踐猷之孫清河尉宣

集作

寅之女故給事中杭州刺史亮其兄也今侍御史彬州

刺史永其弟也生德義之門襲猗那之慶自執筭

疑作筭

主饋逮四十年孝慈柔明六姻是仰學備箴誦言成禮

法公之祿甚薄而家甚肥中外無間言諸孤猶已子閨

門之內和樂薰如也既茹未亡之痛護奉輞車東旋洛

都八月癸丑遘疾厲終於新安之別墅享年若干有男

子五人長曰少成仕至桐廬尉次曰少清以經術甲科
次曰某曰某皆以文學裕蠱稟公之義方女子五人長
適安福尉劉公範次適常州司倉齊暢其次未及笄皆
稟夫人之明訓少成等曾未半歲再集荼蓼思養於下
如不欲生銜恤忍哀竭其誠信以十月某日得吉卜於
新安方山南龍澗原禮也小子齠歲而孤夙承善誘且
懼徽音行實之不傳于後與陵谷之有遷也謹用論譏
哀而不文銘曰

惟叔父秉直清溫而文誠而明六試吏揚令名再從事
有淑聲猗夫人懿純德倬婦行為內則樂申申恭翼翼
女有家男述職天不傭降鞠凶道未行禍已鍾剗金石
識丘封德不泯哀無窮

揚州兵曹叅軍蕭府君墓誌銘

前人

君諱惟明字惟明南蘭陵人曾祖浚皇丹州刺史祖文
遠皇睦州別駕考重暉皇金州別駕自丹州已降雖位

不過守佐而皆以行義似續君即別駕府君之元子也
天寶中舉秀才數以行過乎謙竟不得居甲乙科時苟
未至雖巧力無所錯其用否不可久後累為知已所薦

自明州叅軍事至揚州兵曹掾凡四更

集作更四官皆有理

効多以名聞薦拜或叅從事之列向非及有餘而用無

滯疇能及此晚歲病風家于丹陽葆真樂

一作守

和樽酒

自適輕財重義推誠於朋友之間不飾邊幅以曠達自
任初君與令弟故司封郎中惟則同以儒服游京師賢

士大夫締交慕義者如嚮郎中以通才歷職而君亦累
為名公所薦年位未至相次凋落嗚呼以建中十二年

四月某日所疾沉痼終于丹陽私第享年若干以某月

日權窆于某所從宜也夫人扶風竇氏婦道柔明子漸

漸集作潮汝等年未志學藐然無怙芻挽時集作將行哀以

求銘銘

集作誌

曰

南齊之後福祉薄臻厥生兵曹洵美且仁如何中路翳
魄荆榛刻石窮泉永志聲塵



文苑英華卷九百五十六